

BOSNA I HERCEGOVINA: PISMO NAMJERE

Sarajevo i Banja Luka, Bosna i Hercegovina
[Datum]

Gosp. Dominique Strauss-Kahn
Direktor
Međunarodni monetarni fond
Washington, D.C. 20431

Poštovani gosp. Strauss-Kahn,

1. Uprkos izazovim u vanjskom okruženju, jačanje naših politika i značajna finansijska podrška koju je pružio MMF tokom prošle godine su pomogli da se stabilizira ekonomija Bosne i Hercegovine (BiH) i da se uspostave uvjeti za održivi razvoj u srednjoročnom periodu. Nakon naglog povlačenja dijela depozita u 2008. godini, makrofinansijska ugroženost je smanjena jer se vratilo povjerenja javnosti u banke, pad deviznih rezervi Centralne banke (CBBiH) je zaustavljen, a strane banke su uglavnom zadržale svoju ukupnu izloženost prema našoj zemlji.

2. Implementacija programa podrške MMF-a je bila uglavnom u skladu sa našim obavezama. (Tabele 1 i 2):

- *Kvantitativni kriteriji izvršenja.* Kriteriji koji se odnose na kraj marta/ožujka 2010. godine, a za koje postoje raspoloživi podaci, su ispoštovani. Detaljni podaci o neizmirenim obavezama generalne vlade još nisu na raspolaganju, zbog čega ne možemo ustanoviti da li su ispunjeni kriteriji izvršenja koji se odnose na nultu akumulaciju neizmirenih domaćih obaveza. Mi poduzimamo sveobuhvatnu analizu neizmirenih obaveza generalne vlade i očekujemo da će ona uskoro biti završena.
- *Strukturalne odrednice.* Po prvi put nakon odobravanja programa, uspjeli smo u potpunosti i bez kašnjenja ispuniti strukturalnu odrednicu objavljivanja kvartalnih konsolidiranih podataka generalne vlade na web stranici Institucija BiH. U Federaciji, provedba strukturalnih odrednica koje su trebale biti ispunjene do kraja marta/ožujka 2010. je naišla na poteškoće. Vlada Federacije je razmatrala strategiju penzione reforme u aprilu/travnju 2010. Počele su pripreme za provođenje revizije civilnih i ratnih korisnika prava, ali revizija još nije provedena zbog čega nije ni objavljen izvještaj o njenim rezultatima. Donošenje zakona o platama je zaustavljeno u Parlamentu, a reforma penzija ostvarenih pod povoljnijim uvjetima još nije započela. Ipak, Federalna vlada je izradila korektivne mjere koje su opisane u daljem tekstu, da bi što prije ispunila ove odrednice. U Republici Srpskoj, sve odrednice koje su trebale biti ispunjene do kraja marta/ožujka 2010. – u vezi revizije korisnika prava, reforme beneficiranih penzija i reforme penzionog sistema – su ispunjene.

Deleted: procenataje

Deleted: u oba entiteta

Deleted: privilegiranih

3. Ukupno izvršenje budžeta na nivou Institucija BiH, Federacije i Republike Srpske je u skladu sa programom. Istovremeno, postoje zabrinjavajući znaci da reforme gotovinskih transfera po osnovu prava, kao i mjere ograničavanja javne potrošnje na plate u Federaciji nisu rezultirale očekivanim uštedama. U RS, finansije penzionog sistema su i dalje pod pritiskom. Rezultat toga je da su obje entitetske vlade identificirale dodatne izvore prihoda i mjere da bi ograničile rashode, što je elaborirano u ovom Pismu.

Deleted: procenataje

4. U svjetlu ovakvog izvršenja i naše kontinuirane opredjeljenosti programu, tražimo okončanje drugog pregleda u sklopu Stand-By aranžmana. Na osnovu poduzetih korektivnih mjera, tražimo izuzimanje [zbog neispunjenja] [primjenjivosti] gornje granice za akumulaciju domaćih neizmirenih dugovanja.

5. Politike prezentirane u ovom Pismu i našim ranijim pismima (od 16.06.2009. i 05.03.2010.) su dostatne da se ispune ciljevi našeg ekonomskog programa, i mi smo spremni, po potrebi, poduzeti dodatne mjere da bismo osigurali postizanje ovih ciljeva. Konsultiraćemo MMF prije izmjene mjera koje su sadržane u ovom Pismu odnosno prije usvajanja novih mjera koje bi odstupile od ciljeva programa, i pružat ćemo MMF-u informacije neophodne za praćenje programa.

A. Makroekonomski okvir

6. Naš makroekonomski okvir je zadržao oprezne pretpostavke. I dalje vjerujemo u postepeni povratak pozitivnog rasta, sa rastom realnog BDP-a od 0,5 procenata u 2010. godini i 4 procenata u 2011. godini, uz pomoć oporavka u Eurozoni. Očekuje se da će inflacija narasti na oko 1½ procenata ove godine. Slaba vanjska i domaća potražnja u 2010. će zadržati deficit tekućeg računa na nivou koji je znatno niži od nivoa prije krize. Očekujemo da će situacija sa stranim finansiranjem ostati uglavnom povoljna. Uzimajući u obzir direktno zaduživanje bh. rezidenata kod banki majki, očekuje se da će strane banke majke uglavnom zadržati svoju ukupnu izloženost prema BiH. Ostali prilivi, zajedno sa finansiranjem MMF-a, Svjetske banke i EU, bi trebali biti dovoljni da zadovolje sve potrebe za vanjskim finansiranjem u 2010. godini.

B. Fiskalna politika

7. U svrhu podrške našim obavezama u sklopu Valutnog odbora, kontinuirana fiskalna konsolidacija i strukturalne fiskalne reforme će i dalje biti temelj naših politika. Kada je izbila kriza, naša fiskalna pozicija je bila ugrožena. Doznake u sklopu Stand-By aranžmana i alokacije SDR-ova omogućili su nam da održimo kontinuitet u pružanju javnih usluga kao i dovoljno vremena za izradu ambicioznih fiskalnih reformi s ciljem osiguranja održivosti javnih finansija. Naši naponi u smislu prilagođavanja su usmjereni na kontrolu tekućih rashoda—to će doprinjeti smanjenju tereta koji ekonomija podnosi zbog trenutno velikog

Deleted: neodrživa

Deleted: izbjegnemo prekide

udjela vlade, uz istovremenu zaštitu potrošnje za neophodnu infrastrukturu. Konkretno, plate u javnom sektoru i transferi, koji su rapidno rasli tokom nekoliko posljednjih godina, će biti stavljani pod kontrolu na svim nivoima vlasti. Istovremeno, sistem socijalnih transfera će se reformirati kako bi unaprijedili njihovo ciljanje.

Deleted: ograničeni

8. Ukupni konsolidirani cilj fiskalnog deficita prema programu od 4½ procenata BDP-a za 2010. je i dalje odgovarajući. Iako je izvršenje tokom prvog kvartala u skladu s programom, biće potrebni kontinuirani naponi da bi se ostalo unutar programskih ciljeva.

9. Institucije Bosne i Hercegovine su djelovale razborito od početka programa. Tokom 2009. godine, postigli smo ukupno smanjenje rashoda u iznosu od 100 miliona KM u odnosu na budžet, i zabilježili suficit od 13 miliona KM. Tokom 2010. godine, nastavili smo provoditi restriktivne mjere i cilj nam je ostvariti fiskalni deficit od 194 miliona KM koji će se finansirati prenesenim suficitima iz prethodnih godina, primitcima od sukcesije, i sredstvima iz kredita EU za podršku budžetu.

10. Vlada Federacije je uložila napore da bi se oduprla troškovnim pritiscima. Zahvaljujući prihodima koji su ostvareni iznad budžetskih projekcija, u prvom kvartalu ove godine zabilježila je konsolidirani deficit od 96 miliona KM, u poređenju sa programskim ciljem od 135 miliona KM. Međutim, zbog kašnjenja u provedbi reforme naknada, bez dodatnih napora, pritisak na rashode će se nastaviti i ugroziti održivost naših javnih finansija. Stoga smo odlučni u namjeri da na ove pritiske djelujemo snažnim i konkretnim mjerama koje će biti sadržane u rebalansu budžeta (prethodna mjera). Konkretnije:

- *Plate.*¹ Odlučni smo osigurati da ukupna izdvajanja za bruto plate i naknade u Federaciji ne premaše iznos predviđen u budžetu za ove namjene za 2010. godinu. Mi ćemo zamrznuti svaku vrstu upošljavanja na nivou centralne vlade u preostalom dijelu godine. Istovremeno, provest ćemo reformu sistema plata i naknada kako bi uspostavili potpuno harmoniziran, sveobuhvatan i transparentan sistem plata i naknada. U skladu sa Zakonom o platama, mi ćemo u roku od 8 (osam) dana po usvajanju ovog Zakona od strane parlamenta utvrditi osnovicu za obračun plata na nivou koji će osigurati da ukupno izdvajanje za bruto plate i naknade na nivou centralne vlade za 2010. godinu bude u budžetskom okviru.
- *Ratne invalidnine.* Poduzet ćemo sve neophodne mjere kako bi zadržali nivo potrošnje na ratne invalidnine u budžetskom okviru od 302 miliona KM. [Potrebno je navesti konkretne kratkoročne mjere da bi ostvarili uštede dok ne dobijemo rezultate revizija. Predložene mjere mogu uključiti, ne i ograničiti se na: (i) usvajanje zakona koji će zahtjevati da svi korisnici prava ponovo apliciraju za ostvarivanje prava na naknade i dostave svu neophodnu dokumentaciju u roku od 30 dana;

Deleted: (233 miliona KM)

Deleted: [

Deleted: u svim sektorima generaln

Deleted: , i smanjiti plate svih izabranih zvaničnika za ___ procenata; ostale mjere].

Deleted: na svim nivoima vlasti

Deleted: U

Deleted: okviru

Deleted: a

Deleted: će

Deleted: ćemo

Deleted: predviđeni iznos

Deleted: uposlenika

Deleted: (do _____)

Deleted: (

Deleted:)

Formatted: Font: Italic

¹ Termin „plate“ se odnosi na bruto plate i naknade.

nepodnošenje zahtijeva rezultirati će trenutačnom obustavom isplate naknada; i (ii) primjeniti koeficijent isplate u iznosu od [] procenata. Usvajanje ovih mjera će se smatrati prethodnom mjerom.] Već smo imenovali komisije za reviziju i ubrzaćemo proces revizije tako što ćemo prioritet dati reviziji korisnika sa procentom invaliditeta od [-- do -- procenata], i korisnika koji su pravo na invalidninu ostvarili nakon [2004. godine]. Cilj nam je završiti [---] revizija mjesečno te završiti revizije svih korisnika prava do kraja 2011. godine. Objavljivat ćemo detaljne rezultate revizija i odmah obustaviti isplate korisnicima bez odgovarajuće dokumentacije.

- Nosioci priznanja. U skladu s našim obavezama prema Svjetskoj banci, uveli smo prihodovni prag za nosioce ratnih priznanja koji je stupio na snagu 1. maja/svibnja 2010. Nakon provođenja istog, sa liste korisnika ćemo ukloniti 20 procenata korisnika sa najvišim primanjima (1.jula/srpnja 2010.), što bi trebalo rezultirati očekivanom uštedom od 1,7 miliona KM.
- Demobilizirani borci. Stavljanje van snage Zakona o pravima demobiliziranih boraca i članova njihovih porodica koje je stupilo na snagu 1. maja/svibnja 2010., je rezultiralo obustavom svih gotovinskih transfera prema demobiliziranim borcima. Eventualno ponovno uvođenje beneficija za demobilizirane borce koje se trenutno razmatra, neće uključivati gotovinske naknade, specijalne penzije, stambene kredite ili subvencije za stambeno zbrinjavanje.
- Beneficirane penzije. Mi ćemo dalje pooštriti kriterije za ostvarenje prava i ubrzati reviziju korisnika, uz kvartalno objavljivanje rezultata. Niko neće imati pravo na penzionisanje ili korištenje beneficiranih ili posebnih odredbi za penzionisanje bez prethodno završene revizije. Pravo će odmah biti ukinuto u slučaju zloupotrebe sistema. Prije reforme penzionog sistema neće se uvoditi nikakva nova povoljnija ili specijalna prava na penzionisanje (kontinuirana strukturalna odrednica). Da bismo kontrolirali ukupne fiskalne troškove i povećali pravičnost javnog penzionog sistema, usklađivati ćemo prosječne beneficirane penzije sa prosječnom redovnom penzijom koja je ostvarena uz puno plaćanje doprinosa (odrednica za kraj septembra/rujna 2010.).
- Reguliranje neizmirenih obaveza. Rješavati ćemo slabosti u budžetiranju, fiskalnom izvještavanju i upravljanju gotovinom, koje su dovele do *ad hoc* tretmana neizmirenih obaveza konačnim korisnicima i one slabosti koje nastaju između različitih nivoa vlasti. Mi ćemo: (i) ustanoviti i objaviti spisak svih neizmirenih obaveza po nivou vlasti, zaključno sa krajem marta/ožujka 2010. prema korisnicima transfera (npr. penzioneri, ratni invalidi; civilni invalidi; demobilizirani borci), uposlenici vlade i dobavljači (prethodna mjera); i (ii) izraditi plan reguliranja i izmirenja ovih neizmirenih obaveza.

Deleted: To će obuhvatiti smanjenje broja korisnika za [17 000] ili smanjenje svih naknada za [15] procenata. Strategija koju preferiramo je da [] (prethodna mjera)]. U međuvremenu, ubrzo ćemo reviziju korisnika prava imenovanjem komisija za reviziju prije kraja maja/svibnja 2010. a prioritet ćemo dati reviziji korisnika sa procentom invaliditeta od [-- do -- procenata], i korisnika koji su pravo na invalidninu ostvarili nakon 2004. godine. Cilj nam je završiti [---] revizija mjesečno, objavljivat ćemo detaljne rezultate i odmah obustaviti isplate korisnicima bez odgovarajuće dokumentacije (kontinuirana strukturalna odrednica).

Deleted: <#>Civilne invalidnine. U svjetlu ostvarivanja ušteda po osnovu tekućih revizija, u narednom rebalansu budžeta smanjit ćemo alokaciju za ove namjene za **10 miliona KM.**

Deleted: bi trebalo rezultirati uštedom od **4 miliona KM** u odnosu na planiranu budžetsku stavku za 2010.

Deleted: i niko neće imati pravo da se penzionise pod povoljnijim ili specijalnim uvjetima

Deleted: gotovinskih

Deleted: po osnovu socijalnog osiguranja i po osnovu socijalnih prava

Deleted: onima koji su zaradili plate i dobavljačima roba i usluga;

Deleted: []

Deleted: []

- *Kantoni.* Odražavajući očekivane velike transfere od Vlade Federacije i nerealne projekcije prihoda, neki kantoni su usvojili ekspanzivne budžete, a mnogi su povećali sredstva namijenjena za plate, i drugu tekuću potrošnju u poređenju sa 2009. godinom. Očekuje se da će kantonalni budžeti biti rebalansirani s ciljem ostvarenja ušteda od 10 procenata na ukupna izdvajanja kantona na plate, i drugu tekuću potrošnju. Federalna vlada neće izvršiti nijedan transfer onim kantonima koji ne usvoje rebalans budžeta sa uključenim uštedama navedenim gore u tekstu (kontinuirana strukturalna odrednica).

Deleted: Svi

Deleted: će

11. Vlada Republike Srpske postupala je razborito u prvom kvartalu tekuće godine, bilježeći deficit konsolidirane generalne vlade u iznosu od 141 milion KM u odnosu na cilj od 170 miliona KM postavljen programom. Vlada je odlučna da uloži snažne napore kako bi deficit konsolidirane generalne vlade u 2010. godini ograničila na 500 miliona KM, kako je programom određeno. Sa izvršenjem prihoda boljim od onog planiranog u budžetu, naša nastojanja bit će usmjerena na držanje rashoda pod kontrolom.

12. Prije provedbe naše sveobuhvatne reforme penzionog sistema, Vlada Republike Srpske će reagirati na izazove vezane za likvidnost penzionog fonda u tekućoj godini putem transfera i pogodnosti zaduživanja kod komercijalnih banaka. Tokom nekoliko proteklih godina proveli smo parametarsku reformu i uveli smo treći stub osiguranja. Prelazak na drugi stub se smatrao veoma skupim i teškim u bližoj budućnosti. Predložene reforme obuhvataju: dalje povećanje starosne dobi za penzionisanje muškaraca i žena; prelazak na sistem bodova koji je sličan njemačkom modelu; i indeksaciju u skladu sa švicarskim modelom (50 procenata na rast potrošačkih cijena i 50 procenata na rast plata).

Deleted: Priznajemo tešku situaciju vezanu za likvidnost penzionog fonda.

Deleted: strategije

Deleted: ćemo

Deleted: i na neposredne potrebe fonda za ovu godinu u iznosu od 22 miliona KM

Deleted: reagirat ćemo

Deleted: nemogućim

Deleted: dalju korekciju parametara (povećanje starosne dobi za penzionisanje sa 61 (za

Deleted:) i 59 (za

Deleted: e) na 63 godine do 2017;

13. Također, imamo u planu usvojiti izmjene i dopune zakona o Porezu na dohodak, te usvojiti novi Pravilnik o finansijskom izvještavanju i kontnom okviru za sve korisnike budžeta na svim nivoima vlasti u Republici Srpskoj. Nastojanja na poboljšanju prikupljanja prihoda imat će fokus na usvajanje izmjena i dopuna zakonodavnih akata s ciljem pojačane kontrole i obuhvata poreskih obveznika.

14. Sve vlade odlučne su održati fiskalnu disciplinu u srednjoročnom periodu. Stoga, imamo namjeru smanjiti deficit generalne vlade na približno 3 procenta BDP-a u 2011. godini. Fiskalni naponi i dalje će biti usmjereni na rashodovnu stranu, na koju će pozitivno utjecati učinak reformi poduzetih ove godine.

- Fiskalno vijeće usvojiti će Globalni okvir fiskalnog bilansa i politika u Bosni i Hercegovini u skladu sa Stand-by aranžmanom (prethodna mjera). Ovaj Okvir osigurat će osnovu za pripremu budžeta Institucija BiH i entiteta za 2011. godinu. [Budžet Institucija BiH za 2011. ostat će na nivou 2010. godine, uz restrikciju upošljavanja.]

Deleted: programom

- Srednjoročno fiskalno planiranje u Federaciji morat će odgovoriti na suštinske potrebe za kapitalnim ulaganjima u infrastrukturu. S ovim ciljem, restrukturiranje i privatizacija preduzeća u državnom vlasništvu osigurat će neophodno finansiranje. Neprekidna konsolidacija izdvajanja za plaće, transfera i drugih tekućih rashoda će se nastaviti.

- U Republici Srpskoj, glavni izazovi koji su pred nama predstavljat će obuzdavanje pritiska na socijalna davanja koji proistječu iz nepovoljnih demografskih trendova, prijelaz na niži nivo finansiranja raspoloživog za kapitalne projekte, i povećanje štednje u svrhu servisiranja obaveza po osnovu vanjskog duga. Ovo će podrazumijevati snažnu kontrolu nad izdvajanjima za plaće i naknade te drugom tekućom potrošnjom. Vlada Republike Srpske će usvojiti Strategiju razvoja (do kraja maja/svibnja 2011.) u cilju otklanjanja nepovoljne privredne strukture kao posljedice naslijeđenog stanja iz prethodnog perioda i značajne neiskorištenosti komparativnih prednosti i prirodnih preduslova. Cilj strategije je da se obezbjedi konkurentnost privrede, povećanje zaposlenosti, povećanje životnog standarda i poboljšanje socijalne sigurnosti građana.

Deleted: Vlada Republike Srpske usvojiti će Strategiju razvoja (do kraja maja/svibnja 2011. godine), jasno definirajući srednjoročne ciljeve. Naši

Deleted: Strategija će imati za cilj dugoročno pozicioniranje RS-a i vodiće otklanjanju uočenih disproporcija u njenom dosadašnjem razvoju. N

15. Priznajemo važnu ulogu Fiskalnog vijeća u koordiniranju fiskalne politike širom BiH. Nastavit ćemo jačati njegov operativni okvir, uključujući i uspostavljanje procedura za unapređenje višegodišnjeg planiranja budžeta za različite nivoe vlasti.

16. Priznajemo da bi naš program prilagodbe mogao imati utjecaja na ranjive grupe našeg stanovništva. Tako, reforme predviđene u planovima entiteta imaju presudan značaj u osiguravanju da javna finansijska podrška domaćinstvima bude bolje namjenski trošena za pomoć najranjivijim grupama društva, te da ne bude ugrožen finansijski integritet sistema javnih penzija i osiguranja za nezaposlene.

C. Politika finansijskog sektora

17. Sektor bankarstva je dobro izdržao prvi udar globalne finansijske krize. Međutim, udio nekvalitetnih kredita u ukupnim kreditima je porastao sa 3,1% na kraju 2008. godine na 5,8% na kraju 2009. godine, a profitabilnost je pala tokom istog perioda. Dvije agencije za banakarstvo pažljivo prate razvoj događaja u sektoru bankarstva i poduzet će korake da bi osigurale adekvatnu kapitaliziranost banaka i u narednom periodu. S tim ciljem, banke su podstaknute da zadrže profit i da ga iskoriste da bi ojačale zaštitu od pada nivoa kapitala. Pored toga, agencije za banakarstvo će osigurati da banke imaju planove u pogledu kapitala koji će predvidjeti način rješavanja eventualnog pada u nivou kapitala. Agencije za banakarstvo i banke će periodično vršiti pregled, i po potrebi reviziju tih planova, da bi uzele u obzir makroekonomske promjene. Agencije za banakarstvo su ojačale saradnju sa stranim supervizorima koji su nadležni za banke majke, uključujući i putem učešća u kolegiju

supervizora, a nadamo se i skoroj finalizaciji bilateralnih Memoranduma o razumijevanju sa supervizorima iz Austrije i Italije.

18. Pratićemo izvršenje obaveza koje su preuzele banke majke u vezi kontinuirane podrške bankama kćerkama u BiH i održavanja svoje izloženosti prema našoj zemlji. U skladu s Inicijativom za koordinaciju banaka, CBBiH zajedno s agencijama za bankarstvo planira finalizirati stres testove zasnovane na podacima s kraja 2009. Planiramo o rezultatima stres testova razgovarati bilateralno sa svakom bankom koja je u tome učestvovala i na osnovu rezultata stres testa razmotriti potrebu za dodatnim kapitalom. Također, na osnovu podataka koje nam redovno dostavljaju banke majke, pratimo izloženost banki majki vis-à-vis BiH, kako prema njihovim bankama kćerkama, tako i prema ekonomiji općenito. Na agregatnom nivou, ukupna izloženost banki majki je ostala nepromjenjena na kraju 2009. u poređenju sa krajem 2008. Nastavit ćemo redovno pratiti izloženost banki majki. U ovisnosti od ishoda bilateralnih razgovora sa bankama u pogledu adekvatnosti njihove kapitalne baze i razvoja izloženosti banki majki, razmotrićemo potrebu da sazovemo novi sastanak banki majki da bi se revidirale i obnovile njihove obaveze prema BiH.

19. Ojačali smo okvir za spremnost i upravljanje u slučaju krize. U tu svrhu ustanovili smo Stalni komitet za finansijsku stabilnost (SKFS), koji se sastoji od članova Fiskalnog vijeća, predstavnika CBBiH, agencija za bankarstvo i Agencije za osiguranje depozita. Memorandum o razumijevanju kojim se uspostavlja formalni okvir za saradnju između različitih aktera već je potpisan. Prvi sastanak SKFS održan je u maju/svibnju 2010. godine, i planiramo održavati sastanke najmanje jednom u kvartalu da bismo razgovarali i razmjenjivali informacije u vezi finansijske stabilnosti. Prije sastanka, CBBiH i agencije za bankarstvo će pripremiti kratke izvještaje o stanju u finansijskom sektoru. Izvještaji će biti osnova za naše razgovore koji će biti usmjereni na otkrivanje rizika za sistem i definiranje odgovarajuće reakcije.

D. Pitanje podataka

20. I dalje postižemo značajan napredak u unapređenju kvaliteta statističkih podataka. Ovo nam je omogućilo da ispunimo strukturalnu odrednicu vezanu za objavljivanje preliminarnih fiskalnih podataka za konsolidiranu generalnu vladu za prvi kvartal 2010. godine. Istovremeno smo svjesni značajnih nedostataka u kvalitetu objavljenih podataka, koji, između ostalog, proistječu iz činjenice da podaci o izvršenju budžeta ne uključuju transakcije vezane za projekte sa stranim finansiranjem, da obračunsko računovodstvo još uvijek nije u potpunosti uvedeno u svim vladinim institucijama, te iz velikih zakašnjenja u izvještavanju od strane nižih nivoa vlasti, posebno u Federaciji. U nastojanju usmjerenom ka rješavanju ovih ozbiljnih problema, koristimo tehničku pomoć regionalnog savjetnika za tehničku pomoć radi prelaska na standarde izvještavanja GFS 2001 i skraćivanja perioda kašnjenja u izvještavanju. S ovim ciljem ćemo pripremiti tabele detaljne razrade prilagođavanja naših izvještaja o izvršenju budžeta formatu izvještavanja koji podrazumijeva

GFS 2001, te ćemo revidirati pravilnike o izvještavanju nižih nivoa vlasti u Federaciji. Postići ćemo napredak u unapređenju prikupljanja podataka i sravnjivanju povlačenja sredstava po osnovu stranih grantova i zajmova na nivou donatora, Institucija BiH i entiteta. U ovoj fazi unaprijedit ćemo statističke podatke o projektnim grantovima koji se daju kroz centralne vlade, te poduzeti korake na mjerenju stranih grantova u naturi. Također ćemo poduzeti neophodne korake kako bismo proširili obuhvat izvještavanja o fiskalnom izvršenju tako da u fiskalne račune generalne vlade u dva entiteta uključimo projekte sa stranim finansiranjem i vanbudžetsku potrošnju s escrow računa; namjeravamo postići puni obuhvat u kontekstu globalnog budžetskog okvira za 2012--14. godinu.

21. Program će i dalje biti praćen putem kvartalnih pregleda, prethodnih mjera, kvantitativnih kriterija izvršenja i strukturalnih odrednica. Revidirani kvantitativni ciljevi za 2010. godinu izneseni su u Tabeli 1, a prethodne mjere i strukturalne odrednice definirane su u Tabeli 2. Tražimo da ciljevi definirani za kraj juna/lipnja, kraj septembra/rujna i kraj decembra/prosinca 2010. godine budu uspostavljeni kao kriteriji izvršenja. Uzajamno razumijevanje vlasti Bosne i Hercegovine i osoblja MMF-a vezano za kvantitativne kriterije izvršenja opisane u ovom memorandumu, dalje je elaborirano u Tehničkom memorandumu o razumijevanju, koji je sadržan u prilogu ovog memoranduma.

22. Sredstva od MMF-a u okviru ovog aranžmana, će biti doznačena Centralnoj banci Bosne i Hercegovine koja djeluje kao fiskalni agent BiH, na račun Institucija BiH. Sredstva će biti alocirana u budžete dva entiteta prema uobičajenom omjeru 2/3:1/3.

/s/

Nikola Špirić
Predsjedavajući
Vijeće ministara
Bosne i Hercegovine

/s/

Mustafa Mujezinović
Premijer
Federacija Bosna i
Hercegovina

/s/

Milorad Dodik
Premijer
Republika Srpska

/s/

Dragan Vrankić
Ministar finansija
i trezora
Bosna i Hercegovina

/s/

Vjekoslav Bevanda
Ministar finansija
Federacija Bosna i
Hercegovina

/s/

Aleksandar Džombić
Ministar finansija
Republika Srpska

Deleted: i trezora

Deleted: Institucija BiH

/s/

Kemal Kozarić
Guverner
Centralna banka Bosne i Hercegovine

Prilog